



Inatsisartunut ilaasortamut
Doris Jakobsen Jensen
Siumut

31-05-2023
Suliap normua 2023 - 11502
Allakkat 23000116

Postboks 260
3900 Nuuk
Oqarasuaat (+299) 34 50 00
Nassitsigasuaat (+299) 34 66 66
E-mail: iian@nanoq.gl
www.naalakkersuisut.gl

Meeqqanut innarluutilinnullu suliaqarneq pillugu § 37 naapertorlugu apeqqummut nr. 84-2023-mut akissuteqaat

Asasara Doris Jakobsen Jensen.

Qujanaq apeqqutinut. Apeqqutit tullingguuttut ataasiakkaarlugit assilineqarsimapput, akissutinik tullearlutik.

Apeqqutinut 3-mut aamma 4-mut kommuninit ilanngussanik aallertoqarsimavoq.

1. Siusinnerusukkat akissutigineqartut (§37, suliaq nr. 2023-1984) aallaavigalugit, meeqqanik innarluutilinnillu kommune-ni sullissisut ullumikkutut inissisimanerat Naalakkersuisut qanoq nalilerpaat?

§ 37 naapertorlugu apeqqummut nr. 205-2022-mut akissut takuuk, tassani kommunini sullissisut amerlasuut isumaginninnikkut attuumassutilinnik ilinniagaqarsimanngitsuusut kommunip nalunaarutigisimavaa. Tamanna tunngavigalugu meeqqanut inuusuttunullu kiisalu inunnet innarluutilinnut isumaginninnikkut suliaqarnermi isumaginninnermut siunnersortitut ilinniagallit siunnersortitulluunniit ilinniagallit aamma isumaginninnikkut suliaqarnermi isumaginninnermut siunnersortit siunnersortillu amerlanerit sulisorilernissaannut pisariaqartitsineq annertulluinnartuusoq Naalakkersuisut naliliipput.

Kommunini sulianik suliarinnittartut amerlassusiisa naammalernissaata tungaanut, meeqqanut suliassat innarluutilinnullu suliassat suliarisinnaanissaannut kommunini sulianik suliarinnittartut isumaginninnermut siunnersortitut ilinniagaqanngitsut allanilluunniit isumaginninnermut tunngassutilinnik ilinniagaqanngitsut piginnaanngorsarnissaat pisariaqarpoq.

2. Siuliani apeqqutigineqartumut tunngatillugu Naalakkersuisut suliniutinik sunik pilersaaruteqarpat?

Isumaginninnermut siunnersortit isumaginninnermut tunngassutilinnik ilinniagaqanngitsut piginnaasaannik qaffasaanissaq pillugu Naalakkersuisup kommuninik suleqateqarnissani kissaatigaa. Kommunini meeqqat, inuusuttut inuillu innarluutillit pillugit sulianik suliarinnittartut suliaqarnissaannut, sulianut piumasaqaataasut tamatuma sulianik pitsaanerulersitsineq pilersissavaa. Aningaasanut inatsimmi kontumit pingaarnermit,



30.01.03 Isumaginninneq pillugu pikkorissartitseqqinnerit ilinniartitseqqinnerillu-mit aningaasanik immikkoortitsisoqareerpoq.

Isumaginninnermut suliassaqarfimmi ilinniagaqarsimasut amerlanerit sulilernissaat qulakkeerusullugu aningaasanut inatsimmi kontumit pingaarnemit 40.91.26 Isumaginninnermut suliassaqarfimmi ilinniartitaanikkut suliniutit-mit aamma aningaasanut inatsimmi kontumit pingaarnemit Iisimatusarfik-mit (matumani Isumaginninnermut siunnersortinngorniarfik) aningaasanik immikkoortitsisoqarsimavoq.

3. Kommune-p ataatsip naliliisimanera aallaavigalugu, Isumaginninnermut Aqutsisoqarfik ullumikkut Nuummi inissisimanera sutigut ajoquteqarpa iluaqutitaqarlunilu?

Apeqqummut 4-mut akissut innersuussutigineqarpoq.

4. Kommune-t sinnerisa Isumaginninnermut Aqutsisoqarfiup ullumikkut Nuummi inissisimanera qanoq nalilersimavaat?

Isumaginninnermut Aqutsisoqarfiup Nuummi inissisimanera kommunit assigiinngitsunik isumaqarfigivaat.

Avannaata Kommunian isumaqarpoq, Isumaginninnermut Aqutsisoqarfiup Nuummi inissisimaffia tulluartausoq aamma ilinniarsimasunik sulisoqarnerata aqqissuussaanaera ingerlanneqarneralu sumiiffimmut ataatsimut katersorneqarsimanerat iluaqutaasutut isigalugu. Isumaginninnermut Aqutsisoqarfik sumiiffimmut allamut ass. Ilulissanut nuussappat, kommunimut ajoqutaassasoq kommunip ilanngullugu oqaatigaa: Nuuttoqassagaluarpat kommunini suliassat suliarinissaannut ilinniarsimasunik amigaateqarnerulernermik kinguneqassasoq kommunip ilimagaa. Kommunit Isumaginninnermullu Aqutsisoqarfiup suleqatigiinnerisa akisussaaffinnillu agguataarinerisa akornanni ilisimasaqarnerulernissaq kissaatiginartuusoq Avannaata Kommunian peqatigitillugu taama oqaaseqarpoq.

Isumaginninnermut Aqutsisoqarfiup suliassai sineriammut nuussorneqarnerisa iluaqutissartai Qeqqata Kommuniani Atugarissaarnermut immikkoortortaqaqarfiup takusinnaavai, tassami Isumaginninnermut Aqutsisoqarfik kommunillu imminnut qanilligunik sukumiinerusumik suleqatigiinnissamut pissutissaqalissagaluarput. Imminnut takullutik ataatsimiinnerit, oqaloqatiginnilluni imaajaaneq aamma Isumaginninnermut Aqutsisoqarfillu akunnerminni paaseqatigiillutik taasinerit meeqqanut isumaginnittunut iluaqutaassapput kommuninilu inunnik innarluutilinnut ikiuutaassalluni. Isumaginninnermut Aqutsisoqarfik Sisimiuni immikkoortortamik pilersitsinissaa Atugarissaarnermut immikkoortortaqaqarfiup siunnersuutigaa.

Isumaginninnermut Aqutsisoqarfiup qitiusumik inissisimanerata attaveqatigiinniarnikkut ilungersunartorsortitsisinaanera Qeqqata Kommuniani Maniitsumi sumiiffimmi ingerlatsiviata oqaatigaa. Maniitsumi ingerlatsivik misigisimavoq illoqarfiit angisuut assigalugit tusaaneqarneq ajorlutik.

Kommuneqarfik Sermersooq allappoq sulianik suliarinnittartumi suliassanik naammassinninniarnernani periarfissaat qitiusumik inissisimanerup sunniuteqarfigisimanngikkaa. Isumaginninnermut Aqutsisoqarfiup qitiunngitsumik inissinneqarnerani pitsaanerusumik oqaloqatigiissinaanermit ikiuutaassasoq aamma kommunit ilai peqatigalugit pitsaanerusumik naatsorsuutigisanik nalimmassaasoqarsinnaalissasoq kommunip ilanngullugu oqaatigaa. "Illoqarfiit anginerusut avataanni isumaginninnermut qaffasissumik sulialinnik ilisimasalinnillu pilersitsinissaq, sulisoqalersitsinissaq attatiinnarlugillu ineriartortinnissai ajornakusoorsinnaavoq" kommuni taama isumaqarpoq.



Isumaginninnermut suliassaqarfimmi sulisussaqaarniarneq ajornakusoorsinnaasoq Kommune Qeqertaliup oqaatigaa tamatumunngalu qitiusumik allattoqarfimmi atugassarititat pitsaanerunerat peqqutaatillugu.

Kommune Kujalleq matumunnga § 37 naapertorlugu apeqqummut ilanngussisimangilaq.

Inussiarnersumik inuulluaqqusillunga

Mimi Karlsen

Ilanngussaq:

Nassiussami apeqqutinut 3 aamma 4-mut kommunit akissutiminnut ilanngussaat.